

東三省鹽法新志

奉節張朝墉署

東三省鹽法新志卷二十三

徵榷篇一

清初遼海之鹽舊無綱課康熙十八年始募商領引行銷
舊志云康熙十八年奉錦各屬歲頒萬三千七百四十四引
每引徵課銀四錢七分三釐有奇應徵六千五百三十三兩
零十九年增引三千一百徵銀一千四百六十八兩零東三
省政略云商人呂進實等領引徵課

三十年罷之聽民自行曬賣自是奉鹽無課者近二百年同治六
年始定榷鹽之法

同治元年黑龍江將軍雙福疏言國家歲課地丁錢糧而外
惟鹽鹺之利最爲大宗乃各省俱有鹽課而奉省向不稅鹽

值此軍饟支絀之時尤當因時制宜變通籌畫盛京爲國家根本重地濱海一帶產鹽最饒奸商漁利任意馱載地方官以無納課之條遂聽其私販而莫之或禁奉省及吉林黑龍江土地遼闊俱係私鹽且有販賣鄰省者實於鹽課有礙若援照他省納課之例則奉天吉林黑龍江三處每年所入不止十數萬兩不特接濟軍需亦於國課大有裨益遼鹽權稅之議肇端於此 同治六年盛京將軍都興阿奏准奉天所屬濱海地所產之鹽添籌本省練兵經費按每石六百餘觔之數收東錢一千文合制錢一百六十四文以八成充練兵費二成由外支銷奉鹽權釐自此始

旗莊官鹽亦照章抽捐助饟

舊志云旗莊三處鑲黃旗灘二百五十六座正黃旗二百五十八座正白旗七十座共五百八十四座每座徵鹽一石五斗共八百七十六石每石六百觔合鹽五十二萬五千六百觔事隸內務府三旗織造庫額設鹽莊頭三名壯丁一百六十七名經理鹽產每歲十月各莊冊上度支司轉鹽務局給予官鹽免稅捐票按票交庫儲備撥放而以餘鹽分食衆丁法固善也既而額供官鹽不加多而產鹽漸富莊頭藉免捐壟斷利不在官而惠不在丁故莊頭之急宜改革亦勢爲之也 清鹽法志云六年十二月盛京總管內務府咨將軍文據莊頭趙中孚等稟稱本衙門所管鹽廠自乾隆四十八年八月間本署派委員司庫徐瑾會同牛蓋二城旗民地方官

等挖立封堆立定四至莊頭等歷年應徵官鹽赴庫交納以備戶部領取餘者充公現屆交收鹽期新設守卡兵役不准莊頭裝運放行恐於官差有誤等情查內務府官鹽廠徵鹽既有定章則交庫貢鹽即係國課礙難照新章再爲重徵旋經將軍咨覆查此項鹽捐係爲練兵籌餉是以議准本省各海口鹽灘於賣鹽時由買主每鹽一石抽捐東錢一吊以資餉糈今莊頭所管牛蓋二城鹽場寬長三四十里每灘僅交官鹽一石五斗餘鹽充公究竟灘產及灘戶若干餘鹽若干所充之公係作何用况捐由買主扣納與灘戶無涉又屬籌餉要件斷難盡指牛蓋二城界鹽場概爲官鹽之廠希圖取巧總管內務府復稱牛蓋二城屬界產鹽官鹽有灘五百八

十四座三旗年交貢鹽三萬三千觔每灘徵鹽一石五斗復
經僱覓人夫磨研熬製貢鹽裝簍送庫即有所餘備作人工
運腳費用至於灘戶多山東流民更易無常實難預定今議
除交官鹽餘鹽由灘戶變賣照章納課於是援案免價之案
始議結然官鹽免捐餘鹽聽其自由售賣官私混雜其利終
握於莊頭由是變價改章之議起矣

光緒三年議立籌餉總局並設分局於產鹽州縣鹽一石徵東錢
二千四百文以八成充公二成爲總分局經費名爲二四鹽釐

將軍崇厚疏言東三省及蒙古各王旗所有食鹽均仰給於
奉省鹽灘銷鹽甚廣第創辦之初立法未能周密以致日久
弊生偷漏侵漁在所不免且原定鹽釐太微計鹽六百觔抽

東三省鹽務新志 卷二十三
收東錢一千文現以省城時價而論每石售東錢十四千四百文即使酌量加釐不致有礙民食現於省城設立籌餉總局並於產鹽各州縣設局整理每鹽一石抽收東錢二千四百文仍以八成充公二成作爲局費並准灘戶每石加價東錢六百文以恤商力雖較原定數目加增而覈計每鹽一觔所收鹽釐仍不及制錢一文鹽價亦不至驟昂現仍照六百觔爲一石頒給官斗免滋流弊又設立三聯鹽票蓋用奉天總局關防發交局員凡買鹽人等均令到局領票照數抽釐方准持票赴灘買鹽無票及鹽票相離者照私鹽辦理並令各灘戶公舉灘長隨時驗票發鹽及按季公議時價藉昭公允設局卡事並詳行政篇

並於甯廣常蓋四局附設補徵分卡照正稅徵收

舊志云凡榷法初就灘徵稅後以石數權量有差孳生餘鹽

乃於灘場傍近設爲補徵以均之按補徵鹽釐即係正稅由

分局報解總局奉省向歸外銷故舊志列入雜款

八年以軍饗不敷加徵東錢二千四百文是爲練兵之款名爲四

八鹽釐

盛京將軍崇綺以兵饗不敷奏請於原定鹽釐外加收東錢

二千四百文共四千八百文

合制錢七百六十八文

以二成作爲局費

二十八成歸公

十七年戶部籌饗案奏定奉天鹽釐每石加徵東錢二千四百文

專爲解部之款名爲二四鹽釐亦統名曰七二鹽釐

專為戶部籌饗奏定奉天鹽釐除原定四八外每石加抽東錢二

十千四百文

是時奉鹽每石權釐東錢共七千二百文

為解部專款

二十年七月間將軍裕祿因中日之戰軍饗不敷奏准解部之款留充軍用二十二年將軍依克唐阿奏陳鹽釐以錢易銀之弊一律改錢徵銀著為定章

盛京將軍依克唐阿變通舊章鹽釐徵銀疏略言奉天鹽釐

迭次加收兵饗之費誠為鉅款惟以錢易銀積弊多端因現

錢短絀盡收憑帖又恐憑帖不能通行勢不能不就地易銀

以致局員與鋪商通同作弊每易銀一兩有於市價之外加

小錢數百至數千者此猶是無形之折耗也乃明明徵收憑

帖現錢無幾竟各照部章開銷錢串車脚易銀川資諸費及

至易銀到局所費已屬不貲迨由局解省裝箱有費雇車有費押解護送又有費層層剝削已成錮習不但此也現聞各省員役貪以錢易銀之利有買鹽商人以銀完釐而不收者利員役而病商民若不量爲變通中飽之弊將無底止擬請將額徵四八二四鹽釐每鹽一石東錢七千二百文酌中定價改徵市平銀八錢以三分之二歸四八鹽釐項下以三分之一歸二四鹽釐項下一變通間則以上諸費可省於公有益於民無損如蒙俞允即自本年六月初一日應造報銷之日起一律改錢徵銀著爲定章奉旨依議

統計八局權數二十一年共徵東錢二百一十三萬八百八十六千八百文易市平銀二十萬一千九百六十四兩有奇二十二年

共徵東錢二百二十七萬七千四百二十六千二百三十文易市平銀二十五萬三千四百八十兩有奇二十三年改章徵銀共徵市平銀四十六萬七千八百九十兩有奇蓋即四八鹽釐二四鹽釐合徵之數也

奉天將軍光緒二十一年分鹽釐報銷摺略云查自光緒二十年六月初一日起至二十一年十月底止連閏十八箇月所有徵收四八二四兩項鹽釐蓋平復州金州岫巖錦州寧遠廣寧常家屯等處八局共銷鹽二十九萬五千九百五十六石五斗每石抽收四八鹽釐錢四千八百文計收東錢一百四十二萬零五百九十一千二百文按照市價易市平銀十三萬四千六百四十三兩一錢二分三釐六毫一絲三忽

折庫平銀十三萬零四百六十八兩一錢四分三釐零三絲
六忽內除提撥二成經費庫平銀二萬六千零九十三兩六
錢二分八釐六毫零七忽應存八成歸公庫平銀十萬零四
千三百七十四兩五錢一分四釐四毫二絲八忽均經陸續
解省撥充練饗又每石加收二四鹽釐錢二千四百文計收
東錢七十一萬零二百九十五千六百文按照市價易市平
銀六萬七千三百二十一兩五錢六分一釐八毫零七忽折
庫平銀六萬五千二百三十四兩零七分一釐五毫一絲八
忽此款奏准截留亦盡數撥充練饗其原收鹽釐二成經費
一款除照章開銷總分各局員役書巡薪水工費及各項雜
支庫平銀三萬四千七百四十三兩八錢六分五釐零八絲

三忽尙不敷庫平銀八千六百五十兩零二錢三分六釐四毫七絲六忽業經借款墊發俟由下屆二成經費撥補 又二十一年分報銷摺略云據督轅糧饌委員呈稱自光緒二十一年十一月初一日起至二十二年五月底止係以錢易銀收數應請先行具奏其六月初一日以後改徵銀款再行奏報計七箇月共銷鹽三十一萬六千三百零九石二斗每石收東錢二千四百文共收東錢七十五萬九千一百四十二千零八十文按市價共易市平銀八萬四千四百八十三兩三錢七分四釐五毫六絲五忽按市平每兩較庫平小三分二釐折實庫平銀八萬一千八百六十三兩七錢三分五釐零四絲七忽陸續解省彙齊赴部庫交納 又據督轅糧

鑲處委員呈稱現因鹽釐自二十二年六月初一日起一律改徵銀款應請將二十一年十一月起至二十二年五月底止七箇月四八鹽釐項下徵錢易銀數目先行截清報銷計蓋平復州金州岫巖錦州寧遠廣寧常家屯等處八局共銷鹽三十一萬六千三百零九石二斗每石收東錢四千八百文共收東錢一百五十一萬八千二百八十四千一百六十六文按照市價易市平銀十六萬八千九百六十六兩七錢四分九釐一毫三絲折庫平銀十六萬三千七百二十七兩四錢七分零九絲四忽內八成歸公庫平銀十三萬零九百八十一兩九錢七分六釐零七絲五忽如數撥放練鑲其二成經費庫平銀三萬二千七百四十五兩四錢九分四釐零一

絲九忽除發放前籌饗局截至二十二年三月底歸併之日
止五個月薪工並四五兩月節省撥歸正款及蓋平等八分
局委員書巡薪工及各項雜支二四釐款解部運腳撥上屆
不敷開支等項共庫平銀三萬一千八百七十九兩一錢九
分三釐零一絲三忽尙虧庫平銀一百三十三兩六錢九分
八釐九毫九絲四忽業經借款墊發俟由下屆二成經費內
撥補 二十三年分報銷摺闕

二十四年籌辦學堂經費鹽一石加徵東錢一千二百文名爲一
二鹽釐

依克唐阿奏請添抽鹽釐作爲學堂常年經費摺略云奉省
鹽釐向有四八二四之分前將奏准鹽釐一項改徵銀兩從

前每石收東錢七千二百文改徵銀共收八錢又將蓋平金
州復州岫巖錦州寧遠廣寧常家屯八分局認真整頓凡灘
戶之疲敝者由局借撥公款助其增灘挖溝陸續還繳一年
以後鹽務大有起色計從前八局處舊有鹽灘一千七百二
十三座涵溝二千三百五十三道現已新增灘三百六十三
座添溝四百七十八道是以上年共收四八二四鹽釐四十
六萬餘兩今若加抽一二鹽釐合之四八二四則每石共收
東錢八千四百文合銀九錢三分零每歲可多收銀五六萬
兩以之撥充學堂經費綽有餘裕將來如有盈餘凡應設之
農工商局及武備學堂亦可取資於此核計每鹽一石六百
觔每石加收東錢一千二百每十觔不過加收制錢三文零

取諸百姓無多而有益於公家不少奉旨著照所請

二十五年戶部奏請鹽釐加價專作練兵費依克唐阿奏言奉鹽就灘抽釐並無鹽商岸地釐重難再加價奉旨俞允

依克唐阿奏陳奉省鹽觔未能加價摺略謂奉省鹽釐歷次加增固已加無可加而鹽之奇贏價之貴賤其權又非自官操之奉天鹽務與他省不同既難加價亦未便再事加釐惟有培養灘戶添濬涵溝務使產旺銷暢釐款日增以仰副朝廷整頓鹺綱之至意奉硃批著照所請

二十九年正月將軍增祺奏變通鹽法試辦督銷

初二十八年四川試用知縣恒芳有整頓奉鹽一摺由外務部代奏略云鹽課向爲國家入款大宗凡產鹽省分無不按